

Sarkina Bt Mat Saad @ Shaari

From: Unit Komunikasi Korporat
Sent: Monday, October 8, 2018 4:58 PM
To: UUM - All Staff; UUM - All Students
Subject: SIQIC 5 Beri Pendedahan Untuk Organisasi Hadapi Cabaran IR4.0



Unit Komunikasi Korporat
CORPORATE COMMUNICATION UNIT
Universiti Utara Malaysia

8 OKTOBER 2018 / 28 MUHARAM 1440H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Berita dan gambar oleh: Institut Pengurusan Kualiti (IPQ)

SIQIC 5 BERI PENDEDAHAN UNTUK ORGANISASI HADAPI CABARAN IR4.0



UUM ONLINE: Pahang - Cabaran menghadapi era Revolusi Industri (IR4.0) semakin dirasai, namun sejauh manakah persediaan sektor awam dan swasta untuk berdepan dengan gelombang yang melewati dunia global kini.

Menyedari hakikat itu, Institut Pengurusan Kualiti (IPQ), UUM telah menganjurkan Seminar Integriti, Kualiti, Inovasi dan Kreativiti (SIQIC) pada 3 hingga 5 Oktober lalu di Copthorne Hotel, Cameron Highlands.

SIQIC 5 yang mula dianjurkan sejak 2014 oleh IPQ dengan kerjasama Politeknik Seberang Perai memfokuskan agenda IR4.0 dalam aspek integriti, kualiti, inovasi dan kreativiti.

Seminar ini berjaya menarik penyertaan seramai 40 orang terdiri dari organisasi seperti Daihatsu, Jabatan Perdana Menteri, FELCRA, UMT, UiTM, UUM, Jabatan Kesihatan Perak dan beberapa organisasi lain.

Penceramah jemputan yang menjayakan seminar ini terdiri daripada Pengarah Kanan Institut Integriti Malaysia, Dr Mohd Nizam Mohd Ali; Pengurus di Perbadanan Produktiviti Malaysia (MPC), Mokhzani Aris Mohd Yusoff; Ketua Pegawai Eksekutif, Penang Skills Development Centre (PSDC), Muhamed Ali Hajah Mydin; Perunding Utama di SIRIM Berhad, Kamal Ariffin Khamarudin dan Pengarah Urusan Durian Digital Sdn. Bhd., Sinan Ismail.

Antara pengisian sepanjang seminar itu adalah mengenai kepentingan nilai integriti dalam kepimpinan sebagai paksi organisasi mengharungi cabaran IR4.0, perbezaan kemahiran-kemahiran dalam bidang kualiti yang diperlukan pada tahun 2020 berbanding tahun 2015, kepentingan institusi pendidikan menyediakan graduan berkemahiran tinggi yang diperlukan oleh industri 4.0 dan perkongsian faktor kejayaan animasi Didi & Friends dan Omar & Hana sehingga mencapai sejuta *subscribers* di Youtube.

Pengarah IPQ, Prof Dr Nor Aziah Abd Manaf berkata, setiap peserta mampu menjadi pemangkin kepada perubahan positif dan kekal berdaya saing seiring dengan transformasi digital demi kemajuan organisasi masing-masing.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.